

勸船戶

勸諸公當發誓網罟休施善處尋生計自有神明照察你福壽
重增別享甘甜味得真歡除濁穢一性圓明萬法都捐棄靜看
靈源生雅致返老還童占斷清涼地

勸修鍊二首

識三田通八脈九轉光明一點無塵隔放蕩真慈通杳默丹寶
靈芽般載青黃白透崑宮仙桂宅迸出神珠空外呈紅赫奉勸
塵寰寄宿客早早收心了取真功德

做修行須體究把握靈源莫遣丹砂漏此箇功夫世罕有內得
神全外得身長壽辨沖和明交媾玉液瓊漿吞嚙三光秀上下

道藏輯要

雲光集

五

胃集九
川上川

循環通九九撞過天門永作煙霞友

白蓮池金液沼龍戲明珠紫霧常圍繞虎撞羣羊山下鬧驚起
白牛九曲江邊跳赤鸞飛朱鳳嘯海底嬰兒抱定龜蛇笑長就
黃芽通節要陰裏生陽幾箇人知道

贈蓬萊李一翁

說修行蒙見許端的迴心戀甚妻兒女好漢不教人數賦苦海
奔波覓箇前程路脫塵寰出幽府七祖先亡救拔升雲步既沒
輪迴真漸悟行滿功成決應三清舉

行化

遇行緣逢知友法水澆心滴滴靈明透收在鑪中無外走二氣

升騰顛倒祥輝湊貫泥丸通肘後晝夜慙慙不許纖毫漏奪得
玄珠呈妙手雲步青霄天道方成就

望蓬萊

寄朝元公

朝元子偏共道相親宿契良因今日現未來妙果再鋪陳日日
轉清新通造化空外走蟾輪認正本來清淨主瑤臺閬苑四時
春方稱箇中人

示門人

修真子物外細搜求既得出家須惜福各增功行度春秋諸事
一齊休持內照心月按雲頭二物沖融成大藥三關流轉旋添

道藏輯要

雲光集

三

胃集九
川三川

抽元海把根收

贈小童

諸童稚謹意學文章萬事不令心散亂忘情緘口養和光開悟
內丹方添清爽一性轉溫良大抵儒風逆道理若能運用兩無
妨了了赴仙鄉

述懷

天之道妙用不虛傳一點生成眞法性二儀鍊就出塵仙隨步
結金蓮明了了顛倒顯根源四大扶持眞水火五色照徹九重
天七祖盡朝元